



Republika e Kosovës  
Republika Kosova – Republic of Kosovo  
ORGANI SHQYRTUES I PROKURIMIT  
TELO ZA RAZMATRANJE NABAVKE  
PROCUREMENT REVIEW BODY



## RAPORTI I EKSPERTIT SHQYRTUES

Sahit Beqiri - Ekspert Shqyrtues 	Data e autorizimit të ekspertit: 15.12.2020	Data e dorëzimit të raportit: 18.12.2020	Nr. i lëndës: 1092/20
--------------------------------------	---	--	-----------------------

### BAZA LIGJORE E SHQYRTIMIT

Me datën: 14.12.2020, grupi i OE: “Triangle” Sh.p.k. & “Globi-Mi” Sh.p.k.- Suharekë, ka parashtruar ankesë me nr.: 1092/20, kundër B58 - njoftimit mbi vendimin e AK, (vendimi për anulimi e aktivitetit të prokurimit), lidhur me aktivitetin e prokurimit: “Projekt me bashfinancim -Ndërtimi i shtegut të ecjes në Suharekë dhe 10 parqeve në fshatrat e Komunës së Suharekës”, me nr. të prokurimit: 624-20-2918-5-2-1, iniciuar nga Autoriteti Kontraktues (AK): Komuna Suharekë.

Autoriteti kontraktues ka zbatuar procedura e hapur, lloji i kontratës: Punë, vlera e parashikuar e kontratës: 274,174.10 €

**Shënim:** Ju njoftojë se lidhur me këtë aktivitet të prokurimit janë nxjerr dy (2) vendim nga OSHP-ja  
PSH nr. 592, 619/20, datë: 28.09.2020  
PSH nr. 847/20, datë: 16.11.2020

Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/L-068, dhe Ligjin 05/L-092, Eksperti Shqyrtues i ka shqyrtuar pretendimet ankimore të OE ankues.

### DISPOZITAT E SHKELURA DHE PRETENDIMET ANKIMORE NGA OE: “Triangle” Sh.p.k. & “Globi-Mi” Sh.p.k.- Suharekë

(Të përshkruhen dispozitat e shkelura dhe vetëm pikat e ankesës).

Neni 1 i LPP-së  
Neni 7 i LPP-së  
Neni 9 i LPP-së  
Neni 22 i LPP-së  
Neni 59 i LPP-së  
Neni 60 i LPP-së  
Neni 62 i LPP-së  
Neni 8 i RRUOPP-së  
Neni 44.5 i RRUOPP-së.  
Vendimi i OSHP-së nr.592,613/20.  
Vendimi i OSHP-së nr. 847/20.

#### Deklarata detale mbi faktet dhe argumentet:

Te nderuar ne me dt. 02.12.202 kemi pranuar njoftimin mbi vendimin e AK-se, ku e keni anuluar aktivitetin e prokurimit me arsyetimin se “Një shkelje e LPP ka ndodhur apo do të ndodhin ne procedurën e prokurimit e cila nuk mund të rregullohet apo të parandalohet përmes një amendamenti ligjore të kushteve të prokurimit”.

Fillimisht ju sqarojmë se ju me dt. 27.11.2020 keni nxjerr njoftim mbi vendimin e AK-se ku na keni rekomanduar për kontratë.

Ju sqarojmë se arsyetimi i juaj për anulimin e aktivitetit të prokurimit është i pa bazuar për arsyet si ne vijim: Fillimisht përderisa ju si AK e keni filluar procedurën pa u bazuar në mjetet nga MAPL tani është absurd fakti ku ju arsyetoheni për humbje të garantit.

Ky arsyetim i juaj është absurd për faktin se ju si AK nuk jeni bazuar askund se nëse Granti nuk do të ekzistonte, atëherë kontrata nuk do të lidhet.

Ky fakt dokumentohet edhe tek dosja e tenderit ku në pjesën tek kushtet e pagesës nuk është e specifikuar se këto mjete do të paguheshin nga granti MAPL. Andaj duke u bazuar në këtë fakt lëshimet eventuale nga ndonjë institucion nuk duhet të merren si përfundimtare sepse eventualisht këto lëshime na dëmtojnë neve si OE në këtë aktivitet të prokurimit.

Ju si AK-se në fillim me dt. 13.08.2020 e keni nënshkruar edhe deklaratën e nevojave dhe disponueshmërisë së mjeteve konform nenit 9 të LPP-se, ndërsa në këtë dispozitë shkruan: *"Para se të fillohet me ushtrimin e çfarëdo aktiviteti të prokurimit, ZKA i autoritetit kontraktues duhet të sigurojë që të bëhet një vlerësim formal i nevojave dhe që rezultatet e këtij vlerësimi të regjistrohen formalisht me shkrim dhe të ruhen në dokumentacionin e autoritetit kontraktues"*.

Gjithashtu edhe neni 22 i LPP-se paragrafi 2 e parasheh qartë si ne vijim: *"Pasi ZKA t'i ketë dorëzuar Zyrtarit Autorizues Deklaratën e Nevojave dhe Vendosshmërisë për Disponueshmërinë e Fondeve të përgatitur në mënyrë të rregullt dhe të nënshkruar nga ZKA dhe ZKF, Zyrtari Autorizues e autorizon Zyrtarin e Prokurimit që të iniciojë aktivitetin e prokurimit. Zyrtari Autorizues e autorizon iniciimin e aktivitetit të prokurimit përmes dorëzimit Zyrtarit të Prokurimit të një udhëzimi me shkrim për iniciimin e aktivitetit të prokurimit së bashku me një kopje të Deklaratës së Nevojave dhe Vendosshmërisë për Disponueshmërinë e Fondeve të nënshkruar. Zyrtari i Prokurimit do të mban një kopje të këtyre dokumenteve në dokumentacionin për prokurimin përkatës. Zyrtari Autorizues gjithashtu i dërgon një kopje të udhëzimit të tij me shkrim ZKF-së dhe ZKA-së të autoritetit kontraktues si dhe funksionarit më të lartë të autoritetit kontraktues, përveç kur ZKA është funksionari më i lartë"*.

Edhe neni 8 të Rregullave dhe Udhëzuesit Operativ për Prokurim Publik (RRUOPP) tek *"Deklarata e nevojave dhe përcaktimi i disponueshmërisë së fondeve"* shkruan qartë si ne vijim:

*"AK do të iniciojë një aktivitet të prokurimit vetëm pasi që të ketë kryer një vlerësim formal të nevojave, pse saktësisht nevojitet prokurimi. Qëllimi i vlerësimit paraprak të nevojave bëhet që të sigurohet që bëhen vetëm prokurime të sakta dhe të nevojshme, dhe të evitohet prokurimi jo-efikas si dhe të sigurohet që lendet që i përmbushin këto nevoja nuk janë në dispozicion nga ndonjë autoritet tjetër publik"*.

Pra ju si autoritet kontraktues keni qene të obliguar me ligj, që nga fillimi të ndjekin hapat dhe proceset e prokurimit, e jo të veproni në mënyrë subjektive dhe diskriminuese duke anuluar aktivitetin në fjale.

Ju si AK na keni dëmtuar neve si OE fillimisht në humbje të kohës në përgatitjen e tenderit në vazhdimësi dhe në shpenzime të konsiderueshme në anketa dhe tani kur përgatitem të gjitha kapacitetet për fillim të punëve, bëhet anulimi nga ana juaj, e që është dëm për neve si OE dhe natyrisht në dëm të qytetareve.

Andaj duke u bazuar në faktet e lartcekura shihet qartë se vendimi i juaj për anulimin e aktivitetit të prokurimit është i pa bazuar dhe gjithashtu duke u bazuar në këto fakte duhet të bëhet vazhdimi i këtij aktiviteti të prokurimit dhe nënshkrimi i kontratës me kompaninë tone, pasi që jemi ofertues i përgjegjshëm me çmimin me të lire edhe pse MAPL ka tërhequr grantin. Ju si AK duhet të siguronit mjete që projekti të vazhdojë, pasi që ky projekt është i rëndësishëm për qytetaret dhe qytetin e Suharekës. Me këtë veprim tuajin neve po na krijohet përshtypja se ju si AK, me qellim nuk dëshironi të gjeni zgjidhje apo ndoshta nuk keni vullnet të bëni një gjë të tillë.

Është për tu habitur fakti se si është tërhequr granit në momentin e rekomandimit tone për kontrate edhe pas të gjitha ankesave të cilat i kemi bere ku e kemi dëshmuar se jemi OE i përgjegjshëm edhe ju si AK na keni shpallur OE të papërgjegjshëm disa here. Pra ju vetëm jeni munduar të vononi këtë aktivitet të prokurimit, pasi që e keni stërzgatur dhe në fund pasi që na rekomandoni për kontrate e anuloni aktivitetin e prokurimit.

Andaj duke u bazuar në të gjitha faktet e lartcekura shihet se ju si AK keni dhënë një arsye krejtësisht të pa bazuar në lidhje me anulimin e këtij aktiviteti të prokurimit, duke u bazuar në dispozita ligjore të cilat nuk janë të qëndrueshme.

Përfundimisht ekzaminimi, vlerësimi dhe krahasimi i tenderove nuk është bere kon formë nenit 59 të LPP-se dhe njëkohësisht nuk është respektuar edhe kriteri kryesor për dhënie të kontratës e që ka qenë **tenderi i përgjegjshëm me çmimin më të ulët**, sipas nenit 60 të LPP-se.

Anulimi i aktivitetit të prokurimit është bere në kundërshtim me nenin 62 të LPP-së, sepse nuk janë përmbushur asnjëra nga kushtet e parashikuara në këtë dispozite.

Gjithashtu ky anulim i këtij aktiviteti të prokurimit është bere në kundërshtim me nenin 4.5 të Rregullave dhe Udhëzuesit Operativ për Prokurim Publik (RRUOPP), sepse asnjëri nga kushtet e parashikuara në këto dispozita nuk janë përmbushur në këtë rast dhe nuk ka asnjë mundësi ligjore që ky aktivitet i prokurimit të anulohet në këtë fazë. Prandaj në nuk duhet të pësojmë si OE për çështje të cilat nuk varen nga ne, e të cilat çështje dhe procedura mund të zgjidhen nga autoriteti juaj.

Me këtë vendim tuajin si autoritet kontraktues na keni diskriminuar neve në kundërshtim me nenin 7 të LPP-se, ndërsa në paragrafin 1 të nenit 7 të LPP-se, parashihet qarte: *"Autoriteti kontraktues do të trajtoj operatorët ekonomik në mënyrë të barabartë dhe jo-diskriminuese dhe do të veproj në mënyrë transparente"*.

Ju rikujtojmë që ju si AK duhet të keni në konsideratë edhe nenin 1 të LPP-se, pasi që dihet se qëllimi i këtij ligji është të siguroj mënyrën më efektive, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.

Në fund kërkojmë nga ju si autoritet kontraktues që të nxjerrin:

## V E N D I M

**APROVOHET**, ankesa e OE **"TRIANGLE" SH.P.K**

**ANULOHET**, njoftimi mbi vendimin e AK-së për dhënie të kontratës dhe lënda kthehet në **RIVLERËSIM**, **DETYROHET** autoriteti kontraktues që gjatë rivlerësimit, ekzaminimi, vlerësimi dhe krahasimi i ofertave të bëhet në harmoni me kërkesat e dosjes së tenderit, njoftimit për kontratë dhe konform dispozitave të LPP-së.

Nëse nuk merren parasysh faktet tona, ne jemi të detyruar të vazhdojmë procedurën ligjore në institucionet tjera kompetente.

Pretendimet ankimore (dispozitat e shkelura nga AK) – Ankesa në OSHP, janë të njëjta me kërkesa për rishqyrtim në AK. Deklarata detale mbi faktet dhe argumentet në - Ankesën në OSHP – janë të njëjta deklarata me atë të dorëzuar në kërkesa për rishqyrtim pran AK-se.

S.B

## KRITERET PËR VLERËSIM

*(Të vendosen vetëm kërkesa/kriteret që kanë të bëjnë me arsyet e eliminimit dhe/apo ato kërkesa që lidhen me pretendimet ankimore)*

OE ankues është shpallur fitues duke rekomanduar për dhënie të kontratës në platformën elektronike e-prokurim, përmes B57- njoftimi mbi vendimin e AK me datë 27.11.2020, mirëpo me datë 02.12.2020 përmes B57- njoftimi mbi vendimin, Anulimin e aktivitetit të prokurimit, sipas vendimit të Qeverisë nr. 01/46 të datës 25.11.2020

AK - ka shkelur nenin 9, 22 dhe 62 të LPP-së, si dhe nenin 8 dhe 44.5 të RRUOPP-së.

## RAPORTI I KOMISIONIT VLERËSUES

*Duke u bazuar në raportin e vlerësimit, komisioni vlerësues ka konstatuar si në vijim: (Të përkrahjet vetëm vlerësimi i ofertës së OE ankues/ofertave, për të cilat OE ankues ka pretendime ankimore).*

Komisioni Pasi bëri Rivlersimin e ofertave konkurruese dhe në bazë të vlerësimit të OSHP-se me nr.847/20 rekomandon ZP-se që të shpalle fitues OE TRIANGLE SH.P.K & GLOBI M.I SH.P.K me qmim në vlerë prej 263,997.70 euro

## INFORMACIONET SHITESË TË MARRA ME ANË TË SQARIMEVE TË KERKUARA NGA ANA E EKSPERTËVE SHQYRTUES

///

## VLERËSIMI SIPAS NENIT 4.1.26 TË LPP-së

*(Të jepet një vlerësim se OE ankues është apo nuk është palë me interes sipas nenit 4.1.26)*

///

## VENDIMET E MËPARSHMETË PSH-së LIDHUR ME RASTET E NGJASHME

*(Të sqarohet nëse për rastin e njëjtë është dhënë vlerësim tjetër).*

///

## ARSYETIMI PËR DEVIJIM NGA PRAKTIKA E MËPARSHME

*(Të sqarohet për rastin se pse është devijuar nga praktika e mëparshme).*

///

S.B

**PËRGJIGJE NË PRETENDIMET ANKIMORE TË OE ANKUES: "Triangle" Sh.p.k. & "Globi-Mi" Sh.p.k.- Suharekë**

*- Eksperti shqyrtues, pas ekzaminimit të dosjes së tenderit, shqyrtimit të rrjedhës së procedurës së tenderimit dhe pretendimeve të palës në ankesë sqaron me sa vijon:*

**Përgjigje në Pretendimi Nr. 1**

Lidhur me pretendimin e operatorit ekonomik ankues, se AK-së ka shkelur nenin 1, 7, 59, dhe 60 të LLP-së

Eksperti shqyrtues sqaron, se duke u bazuar në analizën e fakteve/dëshmimeve të dokumentuara në platformën elektronike e-prokurim, rrjedhën dhe analizën procedurës së prokurimit, përgjigjeve të pranuar nga AK - ZPP lidhur me sqarimet e kërkuar nga ESH përmes e-mail të datës 16.12.2020, lidhur me këtë aktivitet të prokurimit, AK me datë 13.04.2020 ka nënshkruar marrëveshje për këtë projekt me MAPL-në lidhur me përfitimin nga skema e grantit për përfitime komunale, kurse publikimin e njoftimit për kontratë dhe dosjen e tenderit ka publikuar në platformën elektronike e-prokurim me datë 16.06.2020, kurse procesverbali i hapës është bërë me datë 08.07.2020, janë nxjerr dy vendime nga PSH lidhur me këtë aktivitet të prokurimit duke kthyer në rivlerësim pasi që AK nuk ka respektuar dispozitat ligjore të LPP, ku OE ankues ka qenë palë e ankese në vazhdimësi, prandaj bazuar në Rregulloren e Punës Nr. 01/2020 të datës 03.03.2020 Punës së Organit Shqyrtues të Prokurimit e ndryshuar plotësuar me datën 08.10.2020, bazuar në nenin 16 (Rastet e unifikuara) par. 2) dhe 3), janë përsëritur, pretendimet ankimore të njëjta për palët në procedurë lidhur me këto pretendime ankimore, ku objekt i kontestit dhe palët janë të njëjta, për rastet të cilat janë shqyrtuar me parë, si çështje të gjykuara "res judicata", sipas nenit 105.2.16 të LPP-së, andaj nuk janë trajtuar nga eksperti shqyrtues.

**Përgjigje në Pretendimi Nr. 2**

Lidhur me pretendimin e operatorit ekonomik ankues, se AK ka shkelur nenin 9, 22, dhe 62 të LPP-së, si dhe nenin 8 dhe 44.5 të RRUOPP-së

Eksperti shqyrtues sqaron, se duke u bazuar në analizën e fakteve/dëshmimeve të dokumentuara në platformën elektronike e-prokurim, rrjedhën dhe analizën procedurës së prokurimit, lidhur me këtë aktivitet të prokurimit, bazuar në B58 - njoftimi mbi vendimin e AK (anulimin e këtij aktiviteti të prokurimit), vendimit mbi refuzimin e kërkesës për rishqyrtim të datës 10.12.2020 nga zyrtari përgjegjës i prokurimit, po ashtu duke marrë për bazë Vendimin e Qeverisë nr. 01/46 të datës 25.11.2020, e-mail-in dërguar nga zyrtaret e MAPL, ku thotë: "Bazuar në vendimin e qeverisë nr. 01/46 të datës 25.11.2020 për kursime buxhetore, ju njoftojmë se projekti i financuar në komunën e juaj sipas marrëveshjes së mirëkuptimit të datës 24.04.2020 "Ndërtimi i shtegut të ecjes në Suharekë dhe 10 parqe në fshatrat e komunës" në vlerë prej 231,956.22€, është pjesë e këtij vendimi për kursime buxhetore, pra këto mjete nuk janë më pjesë e buxhetit të Ministrisë së Pushtetit Lokal", duke marrë për bazë gjithë dokumentet, si dhe bazuar në nenin 26 par. 4.2 të LPP-së, po citoj: "personat kanë konfirmuar edhe një herë se informatat që gjinden në "Deklaratën e Nevojave dhe Vendosmërisë për Disponueshmërinë e Fondeve" janë ende të sakta", andaj bazuar në të gjithë e këto dokumente mjetet financiar të parapara për këtë projekt, tani nuk janë pjesë e buxhetit të MAPL, prandaj ky aktivitet i prokurimit, është anuluar në pajtim me paragrafët e nenit 62 të LPP-së, ku thuhet: 1. Autoriteti kontraktues duhet të përfundojë atë aktivitet të prokurimit i cili nuk do të rezultojë në dhënie të kontratës vetëm për njërin nga arsyet: 1.1. një shkeljeje të ligjit aktual ka ndodhur apo do të ndodhë në procedurën e prokurimit, e cila nuk mund të rregullohet apo të parandalohet përmes një amendamenti ligjor të kushteve të prokurimit, duke përfshirë edhe rastet ku një dispozitë e këtij ligji kërkon anulimin e aktivitetit të prokurimit", si dhe AK - ZPP ka vepruar në pajtim me nenin 44.5 të RRUOPP-së, po citoj: "- Procedura e prokurimit pas hapjes së ofertave, duhet të anulohet për një nga arsyet e më poshtme: (ix) një shkeljeje e ligjit ka ndodhur ose do të ndodhë dhe nuk mund të rregullohet apo të parandalohet përmes një ndryshimi;". Duke u bazuar në këto fakte dhe analizës së mësipërme vlerësojë se pretendimi i palës në ankese në këtë pikë nuk është i qëndrueshëm.

S.B

## MENDIMI I EKSPERTIT SHQYRTUES

Duke u bazuar në faktet, sqarimet e lartpërmendura dhe te gjeturat tjera në këtë raport, eksperti shqyrtues i propozon panelit shqyrtues që ankesa e OE ankues, të **aprovohet si pjesërisht e bazuar**, dhe rekomandon të mbetet në fuqi vendimi B58 - njoftimit mbi vendimin AK (anulimi i aktivitetit të prokurimit).

*Raporti i ekspertizës ti dorëzohet:*

- Autoritetit Kontraktues      -Komuna Suharekë
- Panelit Shqyrtues            - OSHP
- Grupi i OE ankues           - "Triangle" Sh.p.k. & "Globi-Mi" Sh.p.k.- Suharekë

S.B